

## ¿Meru jarhaski Kueraajpiri ma? Exea je pruebechani



# ¡Tsínharhi!®

Vol. 3, núm. 3 2021 PURÉPECHA

Rebista mámaru jási formatu jimbo: 68,097,000  
Jarhasti 214 idiomecha jimbo

Awake! is published quarterly by Watchtower Bible and Tract Society of New York, Inc.  
© 2021 Watch Tower Bible and Tract Society of Pennsylvania.

Para MÉXICO KA CENTROAMÉRICA  
Congregación Cristiana  
de los Testigos de Jehová, A.R.  
Apartado Postal 895  
06002 Ciudad de México  
México

Exentaakajtsi lista ma iámindu  
direksionicha jingoni ixú  
[www.jw.org/tsz/nena-karani-o-uandani](http://www.jw.org/tsz/nena-karani-o-uandani).

Mámaru uandanhasindi na enga uee-  
naka jarhani unibersu ka tsípikua.

¿Kueraanhasi unibersuni o ísku niáraski  
jarhani? Míteni mókuntskua i kurhama-  
rhikueri uatiksini kánikua jarhuatani. Ini  
rebista jimbojtsi exeaka máru ambe en-  
gaksini jarhuataaka parajtsi chá mismu  
exeni ambe enga meru ísiika.

¿Exeaskijtsia pruebechani?	3
----------------------------	---

Ambe engajtsini xarhatachejka unibersu	4
---	---

Ambe engajtsini xarhatachejka tsípikua	6
---	---

Ambe engajtsini siensia no újka aianguni	8
---	---

Ambe engajtsini xarhatachejka Biblia	10
---	----

¿Andisi xáni jukaparhakue míteni sini jaki Kueraajpiri ma?	14
---	----

Exea je pruebechani	16
---------------------	----



¿Uékasintsí míteni sánderu ambe o  
parajtsi gratisi jorhenguahini Biblieri  
ambe chaari k'umanchikuarhu?

Exe je [www.jw.org](http://www.jw.org)

o karachejtsini je ma indeni  
direksionicha jimbo engaksi  
karhakua jaka.

Ari publikasioni jindeesti para jorhenguahini Biblieri ambe, ka ánkikuarhita máesti enga úkuarhejka iámindu parhakpinirhu, jarhuatakuarhiparini imani sentabuni jimbo engaksi k'uiripuecha intspijka tsipikua jingoni. I publikasioni no ataranhantasi. Engajtsi uéjka intspini sáni sentabu, exe je pájinani [donate.jw.org](http://donate.jw.org). Enga no karakata jauaka máteru ambe, tekstuecha karakata griegaecheri p'itakataksi jarhasti Bibliarhu *Jimbanj Eiatasperakua Tata Jesukristueri* (iási anapu karantskatani jimbo). Tekstuecha karakata ebraecheri p'itakataksi jarhasti ixú *La Biblia. Traducción del Nuevo Mundo TNM*, 2019 utusi jimbo.



# ¿Exeaskijtsia pruebechani?

“Unibersu ísku jatini niárasti jarhani”

(Stephen Hawking ka Leonard Mlodinow: *El gran diseño* [trad. David Jou i Mirabent], 2010).

“Tata Diosi kueraasti auandani ka echerini” (Biblia, Génesis 1:1).

¿Tata Diosi kueraaski unibersuni ka tsípikuaní oksí ísku niáraski jarhani? Ambe engaksí inbestigadori-cha uandapka engachi ueenakuarhu exeka ka ambe enga Biblia uandajka íri ambe, kánikua mén-deruenisti. Máru k'uiripuechaksí ma ambe jakajku-síndi ka máteruecha máteru ambe. Asta máruksí kuájpisíndi ambe engaksí jakajkujka libruedarhu engaksí kánikua piánhajka ka telebisioniri progra-mearhu. Ka máteruechaksí no mítesíndi ambe jakajkuni.

Jamberíksíni eskuelarhu arhiti eska unibersu ka tsípikua ískuksí úkuarhiska ka eska no jarhaska Kueraajpíri ma. Peru, ¿exeraaskíksíni pruebechani enga xarhatajka eska inde ambe ísíiska? O jambe-

rijetsí kurhajchaaka relijioniri orhejtsíkutichani uan-dani eska jarhaska Kueraajpíri ma. ¿Peruksíni exe-raski eska i ambe ísíiska? ¿Oksíni arhiski eskajtsí jatsiska para ísí jakajkuni?

Jamberijtsí mémindu eratsentakia íri ambe ka uan-dantsí eska úkua jukaska míteni sini jaki Kue-raajpíri ma. Ístujtsí jamberi eratsejka eska no juka-parhakueska indeni ambe míteni.

I rebista orheta xarhatasíndi máru ambe enga ja-rhuataakia uánikuechani jakajkuni eska jarhaska Kueraajpíri ma. Tátsekua uandasíndi andisí xáni ju-kaparhakue míteni néna ueenaspi jarhani tsípikua.





# Ambe engajtsini xarhatachejka unibersu

Unibersu seguirixati ísku pakataani imeechani engaksí jóskuechani estudiariuajka.

Nóksí méni xáni uánikua erramientechani jatsiaspti para estudiarini unibersuni eska iásí. ¿Ambeksí xáni míteskia asta iásí jamberi?

**Unibersu organisadu jarhasti.** Seguni artikulu ma rebisteri *Astronomy*, “galaksiechaksí no nani uéjksí jarhasti auandarhu, sinoksí ordeni jimbo jarhasti”. ¿Néna úkuarhisini i ambe? Sientifikuechaksí jakajku-síndi eska jarhaska ambe ma engu no xarharajka ka engu ísí mítekateka komu materia oskura. Uanda-síndiksí eska i ambe p’nguaxaka uánikua galaksiechani ka eska ús’inga eskaksí ordeni jimbo jauaka.

¿Néna jimbo unibersu xáni sési organisadu jarhaski? ¿I ambe jandiajku niáraski úkuarhini? Exe je ambe engu uandapka Allan Sandage, achamasí ma engu jóskuechani estudiariauenga ka engu sánderu mítekatepka siglu benti jimbo ka engu jakajkuenga Tata Diosíni.

Ima uandaspti: “Eratsesínga eska i ambe no úpiringa xáni sési organisadu jarhani engu ísku jatini úkuarhipiringa. Jati ambe ma engu xáni sési organisarika”.

**Unibersu sési úkata jarhasti paraka tsípikua jauaka.** Eratsenta je ini ambe, engu jurhiata iatsitakuarhu tixarapiringa no úpirindi jarhani ka engu jukari tixarapiringa k’amajpepirindia.

Peru no inde ambejkuší sési úkata jati unibersurhu. Ístu jarhasti uá-nikua ambe engakší íší mítekataka komueska unibersueri leicha ka engakší no japiringa, no úpirindi jarhani tsípikua. Anil Ananthaswamy engu siensieri ambe karajka, uandasíndi eska “engakší í leicha tá-chani járhapinga nóksí méni úkuarhipirindi jóskuecha, planetecha ka galaksiecha ka no méni japirindi tsípikua”.

**Unibersurhu jarhasti ambakiti lugari ma nani engakší k’uiripuecha újka irekani.** Echerirhu ambakiti atmosfera ma jarhasti, na engu xáni uétarhijka itsí ka luna ma engu sésku k’éka para jarhuatani Echerini jima jarhani nani engu jatsika para jarhani. Rebista *National Geographic* uandasíndi eska ‘ambe engu xáni jaka Echerirhu ka iá-mindu ambe engu tsípiti jaka, úsunga eskakší k’uiripuecha uaaka irekani Echerirhu’.\*

Seguni k’uiripu ma engu kánikua mítekuka íri ambe, uandasíndi eska juchaari sistema solari iauani jarhaska máteru jóskuecha jingoni mis-mu juchaari galaksiarhu. I ambe úsindi eska Echerirhu jauaka tsípikua. Engu Echeri terujkanikuarhu o asta último íší japiringa juchaari galaksiarhu, jóskuecheri raiuechajtsíni kánikua no sési úchipirindi. Joperu Echeri imani lugari jimbo jarhasti nani engu uaaka tsípikua jarhani.

Paul Davies engu kánikua mítekuka unibersueri ambe, uandasíndi: “No úsunga jakajkuni eska juchaari tsípikua ísku jatini úkuarhiska unibersurhu [...]. Ambe ma jimbochi ixú jarhaska”.# Ísĩisti eska Paul Davies no jorhentpisinga eska Tata Diosí kueraaska unibersuni ka k’uiripuechani. Peru, ¿chá na uandasíni? lámindu ambe xarhatasíndi eska unibersu ka Echeri úkata jarhaska paraka tsípikua jauaka. ¿A no eska sési japiringa eratseni eska jarhaska nema engu kueraaka ini ambe?

\* Rebista *National Geographic* no uandasíndi eska Tata Diosí kueraaska Echerini ka nijtu k’uiripuechani. Sánderu sési, uandasíndi na engu xáni sési úkata jaka i planeta parakachi uaaka ixú irekani.

# Paul Davies: *La mente de Dios* (trad. Lorenzo Abellanas Rapun), 1993.



#### ERATSENTA JE INI AMBE

Uánikua periodikuecha jimbo ka aplikasioni-charhu, uandasíndi na engu jandora uéraaka ka inchajtsikuni jurhiata ka luna. K’uiripuechakší úsindi míteni na jandora úkuarhia inde ambe. Peru, ¿né uaxastaski paraka inde ambe íší úkuarhiaka?

# Ambe engajtsini xarhatachejka tsípikua


lámindu ambe enga tsípiti jaka k'uiripesindi, manakuarhisindi ka uánikuaksí úkuarhisindi ka úsindiksi eska juchaari planeta kánikua sési jáxeaka. Ka íásichi sánderu sési míteskia na enga úkata jaka lámindu ambe enga tsípiti jaka. ¿Ambejtsini jorhendasini na enga ueenaka jarhani tsípikua? Ju je exeni.

**lámindu ambe enga tsípiti jaka xarhatasindi eska nema kuerauaska.** lámindu ambe enga tsípiti jaka uánikua sélulecha jimbo úkata jarhasti. Mándani sélula úsindi ambe ma enga kánikua úkua jukaka para ka ambe ma tsípiti jauaka ka parakaksi uaaka uánikua úkuarhini. Ka asta sánderu sapichitu ambe jingoni enga tsípiti jaka ísi úkuarhisindi. Pori ejemplu, eratsenta je xarhipitini (lebadura) enga úranhajka para kurhinda úni ka enga máechakuajku sélula jimbo úkata jaka. Enga terukutanhantaska k'uiripuecheri sélulecha jingoni, xarhipitiri sélula ísi xarharasindi enajki no xáni k'éri ambe. Peru inde sélula kánikua sési úkata jarhasti. Sélularhu terujkani ADN jarhasti ka í arhisindi sélulani ambe enga jatsika para úni. Sélula jukasti ambe ma enga xereantaj-

ka sustansiechani enga marhuakujka para t'ireni ka ísi úni tsípiti jarhani. Enga no jarhajka t'irekua, í sélula nóteru ánychikuarhisindia ka ísi pakarasindi komu k'uíni jarhani. Ísi jimbosí újti ióni marhuani astaka ménderu úranhaaka.

Desde iónisia sientifikuechaksi estudiarixati xarhipitiri sélulani paraksi sánderu sési kurhanguni na enga ánychikuarhijka k'uiripuecheri sélulecha. Peru útasí uánikua ambe jarhasti engaksi no míteka. Jorhentipiri ma enga ánychikuarhijka Universidad Tecnológica Chalmers jini Suecia, uandasindi: “Nóksi uánikua biologiecha jarhasti paraksi úni sánderu sési míteni na enga ánychikuarhijka xarhipitiri sélula ma”.

Xarhipitiri sélula kánikua sési úkata jarhasti. Sélularhu terujkanikuarhu ADN jarhasti ka kánikua sési organisadu jarhasti. Í sélula úsindi paani ka xereantani máteru sustansiechani para ísi úni tsípiti jarhani.



Engajtsi eratsentajka na enga xáni sési úkata jaka xarhipitiri sélula, ¿uandapirintsi eska nema úska? ¿Ojtsi eratsesini eska xarhipitiri sélula na enga xáni sési úkata jaka ísku úkuarhiska?

**Paraka ambe ma tsípiti jauaka jatsisti para uérani ambe máeri enga tsípiti jauakia.** ADN úkata jarhasti máru molekulecha jimbo engaksi arhinhajka nukleotikudu. Mándani k'uiripuecheri sélula, jukasti 3,200 miioni nukleotiduechani. Íksi nukleotiduecha kadeneni jási ma úsindi paraka sélula uaaka úni ensimechani ka proteinechani.

Sientifikuechaksi uandasindi eska engaksi nukleotiduecha no sési organisadu japiringa nóksi méni úpiringa jandiajku úni ADN ma.

Sientifikuechaksi no méni úxati tsípiqua íntskuni ambe mani.

**K'uiripuecheri tsípiqua kánikua ambakiti ambeesti.** lámindu ambeeri enga tsípiti jaka, k'uiripuechajkuchisi újka jánhaskani, sési pájperani máteruecha jingoni ka xarhatani ambe engachi p'ikuarherani jarhajka. Úsingachi mámaru jási ambe tsémuni, sipiruni, kurhaani, mámaru já-rhati kolorichani exeani ka ístu exeni na enga xáni sési jándeka Eche-rirhu. Ístuchi eratsesinga ambe engachi uéjka úni sánderu orhepani ka jirinhakuntasingachi néna sési irekani. I ambe ka máteru ambe engachi k'uiripuecha újka úni, úsindi eskachi kánikua tsípiqua jingoni irekaaka.

¿Chá ambe uandapirini? ¿Na engachi úkata jaka sánhani arhipi mójtakurhini solu parakachi úpiringa tsípiti jarhani ka únchi uánikua úkuarhini? ¿O xarhatasini eska Kueraajpiri ma enga kánikua xénch-petika úska eskachi tsípiti jauaka?



Exe je máru ambe enga xarhatajka na enga úkata jaka naturalesa, partirhu “**¿Ísku úkuarhiski o nema úski?**”, enga [jw.org](http://jw.org) jimbo jaka.



**SÁNDERU  
AMBE IXÚ  
JW.ORG**

Stock media provided by jensKlingebiel/  
Pond5.com



### **Míti je Adánini, roboti ma enga xarhipitiri sélulechani estudiariuajka**

Adáni xánisi k'ésti eska kamioneta sapichu ma. Jukasti konjeladori ma, tiámueri jájkichani engaksi újka manakuarhini, kamarechani ka t'ámu komputadorechani. I mákina únhasi para mámaru ambe úni xarhipitiri sélulecha jingoni ka ústi ísí úni no ma k'uiripueri jarhuajperata jingoni.

Engaksini nema arhipiringa eska Adánini no nema úska ka eska ísku úkuarhiska, ¿jakajkupirintsi? Seguru eska nómbé. Ísí jimbo, asta sánderu sapichitu sélula ma, sánderu úkua jukasti para úni eska robotini ma. Jiájkani, engaksi roboticha únhajka, ¿jaki nema enga uaaka sélulechani?





# Ambe engajtsini siensia no újka aianguni

Nájkirukaksí sientifikuecha uánikua ambe estudiarikia unibersueri ambe, útasí uánikua ambe jarhasti engaksí no míteka.

**¿Miteskiksia sientifikuecha néna ueenaski jarhani unibersu ka tsípikua?** Nómbe. Uánikuechaksí uandasíndi eska sientifikuecha engaksí estudiarijka unibersuni uakajtsini aianguni na engu ueenaka jarhani unibersu. Peru Marcelo Gleiser engu jóskuecheri ambe jorhentiþijka jini Unibersidad de Dartmouth, uandasíndi: “Nóchi úxaka sési míteni na engu ueenaka jarhani unibersu”.

Peru, ¿ambechi uaa uandani tsípikuuri ambe? ¿Néna ueenaski jarhani? Artíkulu ma rebisteri *Science News* uandasíndi: “Jamberichi no méni uaaka sési míteni na engu ueenaka jarhani tsípikua Echerirhu. Sáno iámindu ambe engu ióntki japka ka engachi jimbo úpiringa míteni na engu ueenaka jarhani tsípikua, nóteru jarhastia”. Í tsimani ambe xarhatasíndi eskaksí sientifikuecha no úxaka míteni na engu ueenaka jarhani unibersu ka tsípikua.

Jamberijtsí uandajka: “Engu nema úka eska Echerirhu tsípikua jauaka, ¿né ísí úski? Ka engu jaka Kueraajpiri ma engu sési kámpijka ka jánhastiini, ¿andisí jurajkujki eskachi kómu nitamakuarhiaka? ¿Andisí jurajkuni jaki eska xáni uánikua relijionicha jauaka? ¿Ka andisí jurajkuni jaki eska imeecha engaksí jakajkujka relijioniri ambe, no sési ambe uaaka?”.

Siensiajtsini no uaati mókuchiantani indeni kurhamarhikuechani, peru i ambe no arhikuekasíndi eska-chi no uaaka míteni indeni ambe. Uánikua k'uiripuechaksí ústi míteni Bibliani jimbo andisí ísí úkuarhini jaki.

Máru sientifikuechaksí jorhenguarhisti ambe engu Biblia uandajka. ¿Uékapirintsi míteni andiksisi jakajkujki eska jarhaska Kueraajpiri ma? Incha je pájinarhu [jw.org](http://jw.org) ka kara je jima engu jindeeka para jirinchantani ambe ma “Ambe engu uandanhajka tsípikuuri ambe”.




## SIENSIA KA BIBLIA ÚSTI ESKAKSĪ JAKAJKUPIRINGA TATA DIOSĪNI



### Gueorgui Koidán, kímiku

“Ambe engani újka jindeesti kúndaantani sustansiechani parani molekulechani uaani. Joperu engani no sési újka ambe ma, juchiiti ánychikuarhita no sési uérasíndi. Úkua jukasti ambe engani újka, joperu no xáni eska ambe enga újka sélula ma para uánikua molekulechani uaani. I ambe úsīndi eskani eratseaka eska jarhaska Kueraajpiri ma enga sánderu ambe míteka kimikeri ambe eska ju-cha.

Engani Biblieri ambe jorhenguarhipka, úspka exeni eska ambakiti libru máeska nájkiruka ma 2,000 uéxurhinisí nitamakia enga karanhaka. Seguru jarhaska eskaksí Biblieri konsejuecha seguirixaka marhuani. Ambe enga uandajka para sési peuantani problemechani familiarhu, ánychikuarhitarhu ka besinuecha jingoni, méntkisí marhuasíndi. Iásí, eratsesíngia eskaksí Biblieri konsejuecha nemani jimboeska enga sánderu jánhaskatiika eska ju-cha”.



### Yan-Der Hsuuw, embriologu

“Enga sapi ma úkuarhini jarhajka matrisirhu, iámin-du sélulechaksí májku k'éri ánychikuarhisíndi paraksí nerbiuecha úkuarhini, muskuluecha, únicha, iurhiri ka máteru ambe astaka níaraaka sési úkuarhini charhaku. Útasíchi nótki níaraxaka sési míteni na enga úkuarhijka i ambe. Ji eratsesínga eska nema enga sánderu jánhastiika úska eska ja-uaka tsípikua.

Bibliarhu Salmo 139:15, 16 jimbo, uandasíndi na enga ueenajka úkuarhini sapi ma amambeeri matrisirhu ka i ambe sáno májkuenisti imani ambe jingoni engaksí sientifikuecha uandajka. ¿Néna níaraspi xáni sési míteni íri ambe ima enga ini sal-muni karaka? Solu Kueraajpiri úpirindi aianguni ini ambe”.



Exe je bideuni **Rocío Picado Herrero: Kímikeri jorhentpiri ma uandasíndi andisí jakajkujki Tata Diosíni.**

Exentaakajtsí pájina internetirhu jw.org.



SÁNDERU  
AMBE IXÚ  
**JW.ORG**

# Ambe engajtsini xarhatachejka Biblia

“I ambe úkuarhispti imani tiempu jimbo engu kueraanhapka auanda ka echeri”

(Génesis 2:4). Ini uandakuecha jingoni Biblia arhisindi na engu ueenapka jarhani

juchaari planeta. ¿Terukuntasini ambe engu Biblia arhijka imani ambe jingoni

engu siensia uandajka? Ju je exeani máru ejempluechani.

## ¿Desde iónisi jarhaski unibersu?

Génesis 1:1 uandasindi: “*Uénakuarhu*, Tata Diosi kueraasti auandani ka echerini”.

Uéxurhini 1950 jimbo ísi, uánikua sientifikuecha engaksi mítekatepka jakajkusirendiksi eska unibersu desde iónisi jarhaspka. Joperu íási jimbokaksi sánderu ambe mítestia, sáno íámindu sientifikuechaksi uandasindi eska unibersu no méntkisi jarhaspka.

## ¿Néna jándespi ueenakuarhu Echerirhu?


Génesis 1:2, 9 uandasindi eska ueenakuarhu ‘echerirhu no sési jándespa, ka eska no ma ambe jarhaspka’ ka eska kánikua itsi jarhaspka engu ójchakureenga echerini.

Ambe engu Biblia uandajka terukuntasindi imani ambe jingoni engaksi sientifikuecha uandajka. Pori ejemplu, biologu ma engu Patrick Shih arhinhajka, uandasindi eska ueenakuarhu Echerirhu no jarhas-

**Ueenakuarhu:** Unibersu ka echeri kueraanhasptiksi.

1

**Primeru jurhiatikua:** T’íntskua nótki sési xarharasíreendi Echerirhu (Génesis 1:3-5).



pka “ambakiti tarhiata para úni jirejtani” ka eska ‘iápurisí kánikua no sési jándespka’. Rebista *Astrosomy* uandasíndi: “Ambe enga xáni mítenhakia iásí, xarhatasíndi eska itsí ójchakurasíreenga Echerini ka eska no nani k’arhíndespka”.

### ¿Néna mójtakurhipaspi Echeriri atmosfera?

Génesis 1:3-5 uandasíndi eska ueenakuarhu, Echerirhu no sési xarharasíreenga nanisí uératini jurheeni t’íntskua. Ióni nitamaspti paraka Jurhiata ka Luna ueenapiringa xarharani Echerirhu (Génesis 1:14-18).

Centro Smithsonian de Investigaciones Ambientales, uandasíndi eska ueenakuarhu atmosfera no jurajkusíreenga paraka t’íntskua sési xarharapiringa Echerirhu, istu uandasíndi: “Xúmu ma enga ísí mítekateka komueska metanu ójchakurasíreendi

iámu Echerini”. Tátsekua, “ima xúmu kéndikuspti ka auanda asuli xarhanchasírendia”.

### ¿Néna ueenaspi tsípkua jarhani Echerirhu?

Génesis 1:20-27 uandasíndi eska orheta kuruchechea ueenaspka jarhani, tátsekua pájaruecha, animalicha engaksí echerirhisí jámajka ka últimu k’uiripuecha. ¿Ka ambeksí uandasíni sientifikuecha? Imeechaksí jakajkusíndi eskaksí kuruchechea

Biblia no jorhentpisíndi eska

niáraspka jarhani tsípkua

Echerirhu seisi jurhiatikua

jimbo engaksí 24 orerika


“Ambe enga Biblia uandajka kueraakateri ambe Génesis kapitulu 1 jimbo no uánikua ambeesti, perurini kánikua ísku pakatasíndi na enga xáni sési terukuntajka imani ambe jingoni engaksí sientifikuecha xáni mítekia asta iásí jamberi” (Gerald Schroeder, físiku).

2

**Segundu jurhiatikua:** Itsí ka xúmu iámu ójchakuraspti Echerini. Xúmu jarharispti itsíni ka ísí niáraspti ambancheni (Génesis 1:6-8).

3

**Terseru jurhiatikua:** Ueenaspti k’arhíndeni ka xarharaspti echeri (Génesis 1:9-13).





t'uini ióni jarhaspkia eska animalicha engaksi echerirhu jámajka ka eskaksi k'uiripuecha kánikua tátsekua niáraspka jarhani.

### **Ambe engano jorhentijska Biblia**

Máruksi uandasíndi eska ambe engano Biblia uandajka no terukuntasínga imani ambe jingoni engaksi sientifikuecha xáni mítekia. Peru, sáno méntkisi ísí uandanhasíndi jimbokaksi k'uiripuecha no úsín-ga sési kurhanguni ambe engano Biblia arhijka.

**Biblia no uandasíndi eska 6,000 uéxurhinisiskia engano jaka unibersu o Echeri.** Sánderu sési, jorhentijsíndi eska unibersu ka Echeri “ueenakuarhu” kueraanhaska (Génesis 1:1). Biblia no uandasíndi káni meru ísí úkuarhispi.

**Biblia no jorhentijsíndi eska niáraspka jarhani tsípikua Echerirhu seisi jurhiatikua jimbo engaksi 24 orerika.**

Sánderu sési, úrasíndi uandakua *jurhiatikua* para arhikuekani uánikua uéxurhini. Pori ejemplu, arhisín-

di eska planeta ka tsípikua kueraanhaspkaksi tiempu ma jimbo engano arhinhapka “imani *jurhiatikua* jimbo engano Tata Diosi Jeoba\* úpka auandani ka echerini” (Génesis 2:4). Ka jiminksi kuenta úkuarhisíndi seisi jurhiatikuecha engano Génesis kapitulu 1 uandajka, nani engano Tata Diosi kueraapka Echerini ka engano úpka eska tsípikua japiringa. Ísí jimbo, jamberi ma jurhiatikua, uánikua uéxurhini nitamapti.

**Biblia no uandasíndi eska iámindu ambe engano tsípiti jaka no uaaka mójtakurhini tiempu jingoni.**

Libro de Génesis uandasíndi eska animalicha kueraanhaspka “seguni na engaksi *jáxeka*” (Génesis 1: 24, 25). Engano Biblia uandajka seguni na engaksi “*jáxeka*” arhikuekani jarhasíndi mámaru jási ambe engano tsípiti jaka. Ísí jimbo, ma grupu ambe máeri engano tsípiti jaka uatiksi mámaru járhani. Ka i ambe xarhatasíndi eska tiempu jingoni, jamberi mismu grupurhu anapu ambe máeri engano tsípiti jaka uaaka mójtakurhini.

\* Biblia uandasíndi eska Tata Diosi arhinhasínga Jeoba.

**4 | Kuartu jurhiatikua:** Jurhiata ka Luna sánderuksi sési xarharasírendia Echerirhu uératini (Génesis 1:14-19).

**5 | Kintu jurhiatikua:** Tata Diosi kuerauaspti animalichani engaksi itsírhisi jámajka ka engaksi kárajka ka kuerauaspti parakaksi úpiringa uánikua úkuarhini seguni na engaksi *jáxeka* (Génesis 1:20-23).



## ¿Ambejtsi uandapirini chá?

Bibliajtsini aiangusindi na enga ueenapka jarhani uni- bersu, na enga jáxepka Echeri ueenakuarhu ka na enga ueenapka jarhani tsípikua. Engajtsini Biblia újka sési aianguni iámindu ini ambe, ¿nójtsini uaa aianguni né kueraaski iámindu ambe? Seguni *Encyclopædia Britannica* “enga tsípikua niáraka jarhani ambe ma jimbo enga kánikua uinhapika, [...] terukuntasindi imani ambe jingoni engaksi sientifikuecha xáni míte- kia asta iásí jamberi”.\*

\* *Encyclopædia Britannica* no jorhentpisindi eska jarhaska Kue- raajpiri ma.

Biblia no uandasindi eska iámindu

ambe enga tsípiti jaka no uaaka

mójtakurhini tiempu jingoni

## ERATSENTA JE INI AMBE

Arhinta je Génesis 1:1–2:4 ka terukutanta je imani ambe jingoni enga ióntki uandanheen- ga na enga ueenapka jarhani tsípikua. Pori ejemplu, Babilonia anapuechaksi jakajkusí- reendi eska unibersu ka k’uiripuecha, úkataksi jarhaspka ma diosaeri únicha jingoni enga ua- rhipkia ka ma diosiri iurhiri jingoni. Ka ióntki Ejiptu jakajkunhasíreendi eska imeecheri diosí Ra, kuerauaspka k’uiripuechani imeeri uekua jingoni. Ka China máruksi eratsesíreendi eska iámindu ambe enga jaka Echerirhu, úkata ja- rhaska jigantiri ma únicha jingoni enga uarhi- rini japkia ka eska jigantiri tsiriicha jingoni k’uiripuechaksi úkuarhisppka. ¿Eratsesintsi chá eska ambe enga Génesis uandajka terukunta- síga ini uandantsuecha jingoni? ¿O sánderu terukuntasini imani ambe jingoni engaksi sientifikuecha uandajka?

6

**Sekstu jurhiatikua:** Tata Diosi kuerauaspti k’éрати animalichani ka sapirhatichani engaksi echerirhu jámajka ka indeni mismu jurhiatikua jimbo, Tata Diosi kueraaspti orheta tsimani k’uiripuechani (Génesis 1:24-31).



Exe je bideuni enga kuarto minutuerika **¿Kueraanhaski unibersu?** Exentaakajtsi pájina internetirhu [jw.org](http://jw.org) jimbo.



SÁNDERU  
AMBE IXÚ  
**JW.ORG**

# ¿Andisí xáni jukaparhakue míteni sini jaki Kueraajpiri ma?

¿Andisí xáni jukaparhakue míteni sini jaki Kueraajpiri ma? Jimboka engajtsí seguru jauaka eska jarhaska Kueraajpiri ma, jamberijtsí uékaaka míti sini Biblia Tata Diosíni jimboe. Ka engajtsí mintsikaska ambe engu Biblia uandajka, uaakajtsí jatsini arini ambe.

## Sánderujtsí tsípikua jingoni irekaaka

**BIBLIA UANDASÍNDI:** Tata Diosí ústi ambakiti ambe. “Janira[sindi] paraka jucha ambakiti p’ikuntskua jatsiaka. Ka kánerachisíndijtsíni juchaari t’irekuani ka tsípini p’ikuastantsini juchaari mintsitecharhu” (Ukuecha [Hechos] 14:17).

¿**AMBE ARHIKUEKASÍNI?** Íámindu ambakiti ambe engu Echerirhu jaka, Kueraajpiri regalu máesti. Engajtsí jorhenguarhiska Bibliarhu na engu xáni uandanhajka chánkisini jimbo, sánderujtsí sési p’ikuarheraaka indeni regaluecha jingoni.

## Exentaakajtsí ambakiti konsejuechani

**BIBLIA UANDASÍNDI:** “Jimajkani t’uri kurhanguaka ambe engu jurhimitika, ambe engu sési jaka ka nóri nani sánderu k’uetsapeaka, íámindu ambe engu újka eska ambakiti ambe únhaaka” (Proverbios 2:9).

¿**AMBE ARHIKUEKASÍNI?** Jimboka Tata Diosí jin-deeska chaari Kueraajpiri, ima mítesti ambe engajtsí uétarhinchajka parajtsí tsípikua jingoni irekani. Engajtsí jorhenguarhiska ambe engu Biblia uandajka, exentaakajtsí ambakiti konsejuechani engaksini uaaka jarhuatani.

## Bibliarhujtsí uaaka míteni ambe engajtsí kurhamarhikuarhijka

**BIBLIA UANDASÍNDI:** “Exentaakari Tata Diosíri mími-xekua” (Proverbios 2:5).

¿**AMBE ARHIKUEKASÍNI?** Míteni eska jarhaska Kueraajpiri ma jarhuataatiksini kurhanguni, ¿andichisi irekani jaki?, ¿andisí xáni kómu nitamakuarhinhajki? ka ¿ambe úkuarhisini engaksí k’uiripuecha uarhijka? Exeakajtsí eska ambe engu Biblia uandajka íri ambe meru ísiiska.

## Uaakajtsí seguru jarhani eska sánderu orhepani ambakiti ambe jauaka

**BIBLIA UANDASÍNDI:** “Sési miteska ambe engani eratseni jaka para chá, ísí uandasíndi Tata Diosí Jeoba. Eratsexaka parajtsí pínandikua jatsini, ka no kómu nitamaku ambe. Parajtsí sánderu orhepani sési irekani ka parajtsí erokuarhikua ma jatsini” (Jeremías 29:11).

¿**AMBE ARHIKUEKASÍNI?** Tata Diosí aiatspesíndi eska k’amajkuaka no sési jási ambe, kómu nitamaku ambe ka uarhikuani. Engajtsí mintsikaska ambe engu Tata Diosí aiatspejka, balorijtsí jukaaka ka uaakajtsí orhepani uérakuani uandanhiatechani engajtsí pauani pauani nitamakuarhijka.



Exea je bideuechani ¿**Andichisí uá mintsikani eska Biblia jurhimitku uandasínga?** ka ¿**Né kararkuarhiski Bibliani?**, engaksí [jw.org](http://jw.org) jimbo jaka. Parajtsí exeantani kara je jima engu jindeeka para jirinchantani ambe ma “mitsikani Bibliani” o “né kararkuarhiski Bibliani”.







## KÁNIKUA JARHUATAASTI MÍTENI ESKA JARHASKA KUERAAJPIRI MA

“Ískurini pakatasíndi exeni na engareni mámaru jarhuatajka Tata Diosĩ, jarhuatasíndirini exeni ambe enga sánderu jukaparhakua ambeka, parani sési pájperani máteruecha jingoni ka parani ísí exeni Tata Diosĩni komueska amiguni ma...”

(Cyndi, Estados Unidos).

“Mítení eska jarhaska Kueraajpiri ma, úsindi eskani kánikua tsípikua jingoni irekaaka. No méni kuatan-tasinga jimboka méntkisĩ jarhasíndi ambe ma engani jorhenguarihjka imeeri ambe, ambe enga kueraaka ka imeeri Karakateri ambe” (Elise, Francia).

“Íásĩ sánderuni tsípikua jingoni irekaskia, jimbokani ísí úsinga eskajtsĩni juchaari Tata Kueraajpiri na arhijka Bibliarhu. Nóteruni arhinchaasingia máte-ruechani, uandanhiasingia máteruechani jimbo ka sánderuni sési p’ikuarherasingia. Ka íásĩ sánderuni ambakiti taati máeskia” (Peter, Países Bajos).

“Ante de mítení Tata Diosĩni, solu t’iresireenga, k’uĩni ka ánychikuarhini nirani. No tsípikua jingoni irekaspka. Joperu íásĩ ísí exesingia tsípikuani ko-mueska ambakiti regalu ma. Íásĩ kánikua tsípikua jingoni irekaskia” (Liz, Estonia).

“Ji méntkisĩ uandanhiani jarhasingia. Peru mítení eska niáraaka ma jurhiatikua enga nóteru jauakia no sési jásí ambe, no sési kámberakua ka kómu nitamakua ambe, úsindi eskani sési p’ikuarherantaaka” (Adrien, Francia).



Biblia mókuantasíndi kurhamarhikuechani engaksĩ kánikua jukaparhakueka. Parajtsĩ exeni eska ísíiska, exe je bideuni **¿Andisĩ uétarhijki jorhenguarihini Bibliaeri ambe? (bideu enga kompletu jaka).**



SÁNDERU  
AMBE IXÚ  
JW.ORG

**I númeru rebisteri ;Tsínharhi!** jarhastiksí máru pruebecha engajtsíni eratsetarantajka eska unibersu kueraanhaska. Jorhenguaria je chá mismu ka exe je sintsí jatsipirini para jakajkuni eska jarhaska Kueraajpiri ma. Ixúksí jarhasti máru bideuecha ka publikasionicha engaksí í temeri ambe uandajka. Jirinhanta je títuluechani [jw.org](http://jw.org) jimbo.

# Exea je pruebechani



SÁNDERU  
AMBE IXÚ  
**JW.ORG**

¿Andisí xáni uánikua k'uiripuecha engaksí kánikua ambe míteka jakajkujki eska jarhaska Kueraajpiri ma?

Exea je entrebistechani engaksí partirhu jaka “Ambe enga uandanhajka tsípikueri ambe”.

¿Jarhastiksí pruebecha engaksí apoiarijka ebolusionini?

Arhinta je foietuni *¿Es la vida obra de un Creador?*

¿Sési jaki eratseni eska jarhaska Kueraajpiri ma?

Exe je bideuni *Ambe engaksí uandajka máteru tumbiicha: Tata Diosini jakajkuni.*

¿Sési jaki jakajkuni ambe enga Biblia jorhentpijka?

Arhinta je foietuni *El origen de la vida. Cinco cuestiones dignas de análisis.*



Késku je gratisi ini rebistani ka engaksí antesi uéraka



Arhinta je Bibliani internetirhu; jukari 200 idiomecha jimbo jarhasti

Exe je [jw.org](http://jw.org) o eskaniari je ini kodiguni



921.3-TFS  
211220